

քով, սուլթանի կարգադրությամբ ամբողջ երկրում չափահաս տղամարդկանցից 20-ական սկզև ավարիզ է հավաքվել և յուրաքանչյուր 20 անից մի մարդ աշխատանքի լծվել<sup>1</sup>: Իսկ սուլթանի Սուլեյմանի ժամանակ յուրաքանչյուր չորս հինգ տարին մի անգամ ամեն մի հարկատու հպատակից 20-ական «սկզև ավարիզ» է գանձվել<sup>2</sup>:

16-րդ դարի վերջին պետական գանձարանում եղած դեֆիցիտի հետևանքով «ավարիզը» դառնում է օրինական ու մշտական գանձվող հարկ, որի չափը փոփոխական էր: Այսպես, Կոչիբեյի ասելով, եթև սկզբում յուրաքանչյուր անից գանձում էին 20—70 սկզև ավարիզ, ապա հետագայում մինչև իսկ 300 սկզև<sup>3</sup>:

Հայտնի է, որ 16-րդ դարում Հայաստանի տերիտորիայում թուրք—ղլբաշահական անվերջ պատերազմների հետևանքով պարհակային աշխատանքի պրակտիկան մեծապես տարածված էր. դա իրենից ներկայացնում էր ոչ այլ ինչ, եթև ոչ օրինականացված «ավարիզ»: 1551 թ. մի հիշատակարանում Սերաստացի Մինաս գրիչը գրում է.

«Յայտ ամի եկեալ Վազի փաշայն բազում և անթիւ զօրօք և գնաց դեպի յարևելս ի Շահաստան (Թավրիզ), և լոյժ նեղեցին և չարչարեցին զքրիստոնեայն ի հարկապահանջութիւն: Աւ հանեն զբազում արհեստաւորս վասն շինութեան Վարսայ բերդի, և անտի ելեալ գերեցին զերևանալ գաւառն և զքրիստոնեայն բազումս ի սուր և զերութիւն վարեցին և ոմանց փախստական լեալ ի լերինս և ի քարածերպս լիմացն յուսալով ի խնամս մարդասէրն աստուծոյ»<sup>4</sup>:

Մի այլ հիշատակարանում Չաքարիա Վարազեցին գրում է.

«Ը սոյն ամի բերաւ ջուրն Շամիրամալ ի քաղաքն Վան չորս ամիս բազում աշխատանօք երկիր և քաղաք ի վերայ դատելով և ապա բերաւ ջուրն զի ութ հազար սարակ (բանող ձեռք) քաղաքեն գնաց, թող զերկիրս և զայլս ի յօտար աշխարհէ»<sup>5</sup>:

«Ավարիզի» մի տարատեսակը թուրքիայում հանդիսանում էր «Սյուրսաթը» («Sür-sat»), որը թուրքերեն բառացի նշանակում է «քշիր ծակիր»: Այդպես էր կոչվում այն պատճառով, որ պատերազմների ժամանակ թուրքական բանակի անցած վայրերում բնակիչները պարտավոր էին բանակի կարիքների համար ապահովել մթերքներ, դարի ու հարկ՝ անասունների համար, իսկ անհրաժեշտության դեպքում բանակին «օգնել» լծկան անասուններով, կառքերով, բանվորներով, «քյուրեքչի» («Küreçî»), «ազապ» («azap») և այլ անուցներով:

Կոչիբեյը Սյուրսաթի մասին տալիս է հետևյալ բացատրությունը. «Այս հարկը (սյուրսաթը),— ասում է նա,— գանձվում է ուսլայից պատերազմի ժամանակ: Սյուրսաթը տրվում էր գարու, հաճարի, ալյուրի, փայտի ձևով այն չափով, որ չափով որ որոշված է, և ուսլաները իրենք կտանեն ամենաբարոտ տիրակալի նշանակած վայրը: Մինչև որ անհրաժեշտ քանակի սյուրսաթ չհա-

<sup>1</sup> Solakzade tarihi, s. 321.

<sup>2</sup> Omer Lütfi Barkan, 'Avariz (Islam ansiklopedisi, I cilt, Istanbul, 1948, s. 16).

<sup>3</sup> В. Д. Смирнов, Кочибей Гёмюрджинский... стр. 141.

<sup>4</sup> ՀՊՄԻ Պետական Մատենադարանի ձեռագիր № 6272 եր. 250ա. նաև Ա. Գ. Հովհաննիսյան, «Գրվագներ հայ ազատագրական մտքի պատմության», չհրատարակված աշխատություն, հատ. II, էջ 540:

<sup>5</sup> Նույն ակնում: